

ابن ... أخ

ابن ... أخ

روفيضة الطيب

الشاعرة في سطور

- رفيدة الطيب
- من مواليد محافظة الفيوم
- ليسانس آداب قسم إعلام
- اشتركت في العديد من المسابقات



ابن ... أخ

ابن... أخ
حُب...زوج.. أب .. مات
واللي طالع صوت سكات
صوت رصاص ف القلب ينبض
حاضن الماضي اللي فات
دمع أم بتتوجع
راسمة ضحكة ف خدها
حاضنة دقة قلبها
صابرة ع الحزن اللي فيها
تشفي جرح ف ابنها
سامعة صوت عمال بيهتف
ف الوطن عايش مكثف ع الحيطان
ذكرى من خط الأمل
حبره.. دم من الزمن
مروي بيه كام وردة فاكرة
اللي جاي كان شمسه باينة
وكان ورقها ف أرض مليانة بدموع
أم تصرخ



ع اللي دايس حلمها
شد أب .. حيله يجري
يلحق الباقي ف كفّه
شاف ولاده بتتقسم..!
اللي سال ع الأرض تاعبه
واللي تاه ف العتمة ضيه
واللي متغطي بجروحه
قام بكف إديه ودفنه
هم حُزن الدنيا حايله
جوة قلبه .. بصبر هزه
قام وبات
يبكي م القسوة بسُكات
عاش ف دنيا
بس جوة منه قلب لأب مات
مات بيحلم من جديد
شد نفسه بالآمال
يلمح الأوطان بترسم
وش إبنه ف كون سماها يكون ببيضحك ويناديه
يمسح الدمع فعنيه
بات ينادي
رُد يا ابني
رُد يا ابني ع الجراح

ع اللي راح
ع اللي جاي ف البُعد عنك
ع اللي ضلّم وحدتي
نفسى أدوق من جنتك
يمكن أشبع كسرتي
رد مكسي بتوب فرح
داوي يابا اللي انجرح
إمحي أي خطوط ف صورتني
إمحي أي دموع بتبني ف فرقتني
قول لإمي ... مش وحيد
قولها ابنك يا أمي
حب وطنه ... عاش شهيد

